

欽定大清會典事例卷四百五

禮部

風教

代

旌表百歲
夫婦同登耆壽

五世同堂
兄弟同登百歲
親見七

旌表百歲。○康熙九年定。命婦孀居壽至百歲者。題

明給予貞壽之門扁額。建坊銀三十兩。○四十

二年覆准。老民年登百歲者。照例給予建坊銀。

並給昇平人瑞扁額。老婦壽至百歲。建坊懸額。

與命婦同。○四十七年欽奉

恩詔。軍民老人。年自七十至九十以上者。照例賞給。其

至百歲者。題明給予建坊銀兩。○雍正四年

諭。年屆一百一十八歲之人。實為希有。著於定例。賜坊銀三十兩外。加增兩倍。共賞銀九十兩。嗣後年至一百一十歲。加一倍賞賜。至一百二十歲者。加兩倍賞賜。更有多得壽算者。按其壽算加增。著為定例。○乾隆元年題覆。湖北省江夏縣壽民湯雲山。年屆一百三十一歲。照加倍賞賜之例。於坊銀三十兩外。再加三倍賞賜。共給一百二十兩。奉

旨。著加賞上用緞四疋。銀四十兩。○十一年題准。元年題旌一百三十一歲壽民湯雲山。又屆十年。閏年一百四十一歲。加賞銀三十兩。奉

旨。著賞給上用緞五疋。銀五十兩。再加恩特賜扁額。以旌人瑞。欽此。遵

旨。由內閣撰擬。再閱古稀四字頒賜。○十二年題准。原任內務府總管丁阜保。連閏。准作百歲。

恩賞朝衣一襲。上用緞十疋。銀千兩。給予期頤國瑞四字扁額。○十七年題准。廣東省惠來縣生員詹星斗。壽至百歲。照例

旌表。奉

旨。生員詹星斗。年屆期頤。實為膠庠人瑞。著加恩。給予國子監學正職銜。仍於常例外。賞給上用緞二疋。○

三十年

諭。朕恭奉

皇太后安輿巡幸江浙。鑾輅所莅。宜廣

慈仁。以昭盛典。所有經過直隸山東二省之老民老婦。著照從前恩詔之例賞賚。用示優老引年之意。○又

諭。朕恭奉

皇太后安輿巡幸江浙。翠華所至。愷澤覃敷。而優恤高年。推恩宜渥。著將江南浙江二省男婦年七十以上者。俱照從前恩詔之例。一體賞給。以示恩賚。○又奉旨。此次接駕一百七歲之訓導王世芳。著賞給扁額。並

7617
緞二疋。○三十五年

諭。國家熙洽化成。薄海共躋壽域。昇平人瑞。實應昌期。是以每歲直省題報老民老婦。年至百歲及百歲以上者。不可勝紀。因思向來所頒時憲書。後頁紀年。止載花甲一周為斷。殊不知周甲壽所常有。而三元之序。數本循環。成例拘墟。未為允協。著交欽天監。自乾隆三十六年辛卯為始。於一歲下添書六十一歲。仍依干支以次載至一百二十歲。則開表犁然。期頤並登正朔。用符紀歲授時之義。○三十六年

諭。章邱縣在籍州同高如峴。年逾九旬。孫曾繞膝。迎鑾

道左。洵為壽寓祥徵。著加恩賞給上用緞一疋。○又諭。濟甯州壽婦孫李氏。年躋百有二歲。著加恩賞緞二疋。○又題准。江西省興安縣生員李煒。乾隆三十五

年

特賜舉人。三十六年

賞給國子監司業職銜。

御賜詩章。是年該員適屆百齡。照例給予建坊銀兩。並

昇平人瑞字樣。○三十七年

諭。原任興漢鎮總兵金梁之母楊氏。前呈代伊子謝恩時。年已九十一歲。曾批諭該督。俟至百歲再行奏聞。

今據勒爾謹奏楊氏現年已臻百歲等語。金梁之母楊氏壽屆期頤。精神矍鑠。允符上瑞。宜沛隆施。著加恩賞給御筆扁額。並上用緞六疋。豹皮十張。以昭壽世。引年之慶。其應建坊銀兩。該部仍照例行。○三十

八年覆准。嗣後各省舉報壽民壽婦。俱開實年。取具鄰族甘結。徑行呈報。該管州縣查明確實。遞詳督撫具題。由禮部照例辦理。毋庸由儒學轉牒。○四十三年

諭。向來鑾輅時巡。每優賜高年粟帛。以昭行慶。況盛京諸處。乃

祖宗德澤培貽。

累洽重熙。引恬引養。尤徵仁壽之庥。茲蹕路經行。多有
年踰耄耄。龐眉皓首。扶杖歡迎者。宜沛恩膏。以彰盛
美。所有奉天等處旗民男婦及官兵母妻七十以上
者。各給布一疋。米五斗。八十以上者。給絹一疋。米一
石。九十以上倍之。百歲者加賞大緞一疋。彭緞二疋。
用示優老。引年至意。○四十五年

諭。四川阜和協副將馬詔蛟。前在軍營曾經出力。本日
兵部將該員帶領引見。詢知伊母曾氏。年逾百齡。實
為昇平人瑞。著加恩賞給御筆扁額。並上用緞四疋。

貂皮六張。用示優獎。仍令該員即速回任。侍養伊母。以昭朕加惠耆年之至意。欽此。尋頒

御書閭德耆年扁額。○又題准。福建省莆田縣郭鍾岳。

上年

特賜舉人。本年又

賞給進士。今年屆百歲。照例建坊。並給予昇平人瑞字

樣。○又議准。浙江省仁和縣壽民魯文元。年一

百三歲。海甯州壽民朱京昇。年一百二歲。武康

縣壽民楊遇春。年一百一歲。照例

旌表。各給建坊銀三十兩。並昇平人瑞字樣。奉

旨。魯文元朱京昇楊遇春著加恩各賞給上用緞一疋。銀十兩。○又議准福建省上杭縣壽婦鄭邱氏年一百一歲。楊張氏年一百一歲。照例各給建坊銀三十兩。並貞壽之門字樣。奉

旨。邱氏張氏著加恩各賞給上用緞一疋。銀十兩。○五十年

諭。何裕城奏陝西長安縣民孟世強現年一百一歲。世安耕鑿躬享遐齡。應請旌表等語。孟世強年逾百齡。精神矍鑠。素行淳良。洵屬昇平人瑞。著准其照例旌表。以示加惠耆齡之意。○又

諭。據劉秉恬奏雲南阿迷州民王國炎現年一百三歲。請旨旌表一摺。王國炎壽過期頤。孫曾繞膝。洵為昇平人瑞。宜加恩賚。用示寵榮。茲御書扁額以賜。其應賞給銀兩緞疋及建坊旌表。著該部照例具題。欽此。

尋頒

御書南弧垂彩扁額。○五十一年

諭。據特成額等奏湖北通城縣民吳添佑現年一百一歲。請旨旌表等語。吳添佑壽享期頤。孫曾繞膝。洵為昇平人瑞。其應行建坊旌表及賞給緞疋銀兩之處。著該部照例具題。○五十二年

諭。浦霖奏龍陽縣壽民萬銘。現年一百一歲。請旨旌表等語。萬銘年逾期頤。孫曾繞膝。洵為昇平人瑞。所有應行建坊旌表及加恩賞賚之處。著該部照例辦理。

○五十三年

諭。據保甯等奏稱。布魯特畢班壁特。伊母今年一百六歲。尚屬壯健。感激天恩。誠心恭祝萬壽。令伊稟知等語。布魯特畢班壁特之母。現年一百六歲。精神矍鑠。西域遠徼。共沐昇平上瑞。朕心深為欣慰。著施恩賞給大緞二疋。貂皮六張。伊子前來具稟。禮儀恭順。亦屬可嘉。並著賞給藍翎。以示朕優獎高年無閒內外。

至意。○五十四年

諭。福康安奏廣東新甯縣壽民李適本。現年一百二歲。淳良謹厚。孝友可風。請旨旌表等語。李適本年逾期。康強矍鑠。洵為昇平人瑞。所有應行旌表及賞給銀兩緞疋之處。著該部照例具題。用示優獎。耆年至意。○又

諭。惠齡奏江夏縣民吳國瑞現年一百二歲。孫曾繞膝。請旨旌表等語。吳國瑞年逾百齡。精神矍鑠。洵為昇平人瑞。特賜御製詩章。所有應行賞賚及建坊旌表之處。著該部照例具題。○五十五年

諭。梁肯堂等奏直隸提標左營兵丁程文亮之母陳氏。現年一百三歲等語。陳氏年逾期頤。精神強健。洵為昇平人瑞。其應行建坊旌表及賞給緞疋銀兩之處。著該部照例具題。○又

諭。據伍彌烏遜奏稱。阿爾臺烏梁海巴牙爾圖旗分老兵默多爾沁。現年一百三歲等語。默多爾沁年逾期頤。身體強健。壽祥遠屆蒙古部落。洵為昇平嘉瑞。著加恩交該部查例賞賚。○又

諭。據額勒春奏黃平州武生王嗣文。年一百一歲。四代同居。孫曾繞膝等語。王嗣文壽逾百齡。家風敦睦。澤

行後昆。實為熙朝盛事。所有應行賞賚及建坊旌表之處。該部查例具奏。○又議准。陝西省長安縣壽婦楊張氏。年一百二歲。照例給銀建坊。並由內務府支領緞一疋。銀十兩。頒給加賞。奉

旨。張氏著再加恩賞給緞一疋。銀十兩。○嘉慶二年

諭。據馮光熊奏。壽民年逾百齡一摺。婁士奎壽過期頤。康強矍鑠。洵屬熙朝人瑞。著即賞給六品頂戴。仍著該部照例旌表。以示朕優眷耆民。引年錫福至意。○

十四年奉

旨。禮部具題。原任直隸總督鄭大進之妻江氏。現年一

百歲請照例給銀建坊旌表一本。該氏係一品命婦。年屆頤齡。允屬熙朝人瑞。若與民間壽婦一體照常給賞。未免無所區別。嗣後遇滿漢三品以上文武大員之父母妻室。有年至百歲者。應如何從優賞賚之處。著禮部妥議具奏。所有鄭江氏應得恩賞。即照新例辦理。欽此。遵。

旨議准。嗣後滿洲漢人。凡三品以上文武大員父母妻室。有年至百歲者。於例給坊銀三十兩外。請

旨加賞銀十兩。緞一疋。並以次推廣。凡有年逾百歲以上。及年屆百歲五世同堂。未屆百歲五世同